

IBAIALDE 2020 LEHIAKETA

Konfinamendu egoera berezia

Ohiko lehiaketaren oinarrietan aldaketa txikiak izan dira, parte-hartzea eta egindako lanen entrega errazteko asmoz, baita osasun-aholkuak jarraitzeko ere.

LEHIAKETAREN GAIA:

Gai bakarra, "**Gure ibaiak**".

Uraren ziklo naturalarekin zerikusia duten kontzeptuak onartuko dira, hala nola euria, hodeiak, landareak, etab.

MODALITATEAK:

- MARRAZKIA (edozein modalitate)
- ARGAZKI DIGITALA

KATEGORIAK:

- 1.Kategoria: 10 urte arte.
- 2.Kategoria: 11-15 urte bitartean.
- 3.Kategoria: 16 urte baino gehiago

LANAK AURKEZTEKO ARAUAK:

Aurkeztutako lanak **originalak** izan behar dira, urtebete baino gutxiagokoak eta beste lehiaketa batean saritu gabeak.

Pertsona bakoitzak **marrazki bakarra** eta **argazki bakarra** aurkeztu ahal izango ditu (pertsona berak marrazkia + argazkia aurkeztu ahal izango du).

Lan bat baino gehiago batera bidaltzea erabakitzen bada (eskola-talde bat, edo familia bat, adibidez), behar bezala identifikatuta egon beharko dute, nahasterik egon ez dadin.

MARRAZKIA:

Aurkeztutako marrazkiak **edozein teknikarekin** egin ahal dira: argizaria, akuarela, koloretako arkatzak, ikatza eta abar, marrazki digitala barne.

Tamaina DIN A2 batekoa edo txikiagoa izan beharko da.

ARGAZKIA:

Aurkeztutako argazkiak **formatu digitalean** egon beharko dira: JPG, JPEG, PNG, TIFF.

LANEN BIDALKETA ETA AURKEZPENA

Marrazkiak eta argazkiak FORMATU DIGITALEAN aurkeztu beharko dira, posta elektronikoz (aztertu@euskadi.eus): fitxategia erantsita, Driverako, Dropboxerako eta abarrerako esteka partekatuta, etab...

MARRAZKIAK **ESKANEATU** daitezke edo **ARGAZKI BAT ATERA**, eta irudia bidali. Perfektua ez bada, ez kezkatu, jatorrizko marrazkia eskatuko dugu beharrezkoa bada.

Adierazi beharreko informazioa:

- **Izen-abizenak**
- **Adina**
- **Sexua** (azterketa estatistikoetarako)
- **Ikastetxea, elkarte, kolektiboa** (hala badagokio)
- **Telefonoa eta posta elektronikoa** (harremanetan jartzeko)

Posta elektronikoz bidaltzerik ez badago, POSTAZ edo GUTUN BIDEZ bidali ahal izango da ondorengo helbidera. Hala bada, horren berri eman diezaguzue posta elektronikoz (aztertu@euskadi.eus):

- BILBOKO INGURUGELA (rf.: Aztertu Programa): Ondarroa kalea 2. 48004 Bilbo

**Salbuespen gisa bidalketak Ingurugela bakar batean zentralizatuko dira kudeaketa errazteko*

LANAK AURKEZTEKO AZKEN EGUNA:

2020ko ekainaren 19a

Salbuespen moduan postaz edo kartaz bidaltzen badira, zigiluak ekainaren 19an izango du epe muga.

SARIAK:

Aurkeztutako lan guztiak Ingurugelako, Eusko Jaurlaritzako eta IBAIALDE koordinatzen duen taldeko kideek osatutako epaimahaiak balioetsiko ditu. Modalitateetako kategoriatan irabazleei sari bana emango zaie, baita saridunen ikastetxe, elkarte edo erakundeei ere (izatekotan).

Kategoria ezberdinentzako sariak ez dira aldeaz aurretik ezagutzen. Ez dira metalikoan izango, eta jasangarritasunaren aldeko hezkuntzarekin eta naturaren gozamen jasangarriarekin izango dute zerikusia: joko hezigarriak eta dibulgatzaileak, eskulanak, ipuinak, liburuak, mendirako eta kirol materiala...

SARITUTAKO LANAK ARGITARATZEA:

Saritutako lanak [AZTERTU programaren web orrian](#) argitaratuko dira, saritutako lanen bilduma edo galerian.

AURKEZTUTAKO LANAK ERABILTZEKO BAIMENA:

Lehiaketara aurkeztutako lanak Euskal Autonomia Erkidegoko Administrazioaren esku geratuko dira, eta lan horien kopiak egiteko eta zabaldu edo banatzeko baimena izango du, baita egoki deritzon komunikazio publikoko sistemaren bidez eta egoki deritzon helburuarekin lanak ezagutarazteko baimena ere. Euskal Autonomia Erkidegoko Administrazioak eskuratzen dituen baimen horien iraupena 6 urtekoa izango da eta nonahi gauzatu ahal izango ditu. Hala, esaterako, AZTERTU programaren aurtengo edizioan nahiz hurrengoetan sor litekeen edozein materialetan (apaingarri edo osagarri) erabili ahalko ditu lanak, baita ezagutzera eman AZTERTU programaren web gunean ere. Bestalde, parte-hartzaileen irudia modu berdinean erabili ahal izango du Euskal Autonomia Erkidegoko Administrazioak. Lehiaketara lanak aurkeztu dituztenek, ordea, ez dute EAEko Administrazioak egin ditzakeen erabilera horienatik guztiengatik diru-saririk jasotzeko eskubiderik izango.

LEGEZKO OHARRA:

Abenduaren 13ko 15/1999 Lege Organikoak, Datu Pertsonalak Babestekoak, ezarritakoari jarraiki, honako hau jakinarazi nahi dizugu: IBAIALDE lehiaketara aurkezten duzun lana saridun baldin bada, zure datu pertsonalak fitxategi automatizatu batean gordeko dira.

Fitxategi horretan gordetako datuak helburu hauetarako baino ez dira erabiliko:

- Zure lanak saria jasoko duela jakinarazteko.
- Sariak banatzeko ekitaldira zu gonbidatu ahal izateko.
- dagokizun saria eman ahal izateko.
- Zure lana ibaialde aldizkarian lan sarituen bilduman argitaratzen dugunean, norik egina den adierazi ahal izateko; beti ere zuk datu horiek azaltzearen aurkako adierazpenik egiten ez baduzu.

Fitxategiaren arduraduna Eusko Jaurlaritzako Ingurumen eta Lurralde Politika Saileko Natura Ondare eta Klima Aldaketa zuzendaria da. Datuak eskuratzeko, zuzentzeko, deuseztatzeko eta fitxategian agertzearen aurka egiteko eskubidea gauzatu nahi izanez gero, Sail horretako Zerbitzu Zuzendaritzara jo dezakezu: Donostia-San Sebastián 1, 2. solairua, Vitoria-Gasteiz 01010.